

Na osnovu člana 60. Zakona o organizaciji organa uprave Federacije Bosne i Hercegovine („Službene novine Federacije BiH“, broj: 35/05), člana 47. Zakona o dopunskim pravima branilaca („Službene novine Srednjobosanskog kantona“, broj: 7/16-prečišćeni tekst) te čl. 34. i 37. Zakona o izvršavanju Budžeta Srednjobosanskog kantona za 2024. godinu. („Službene novine Srednjobosanskog kantona“, broj: 1/24), Kantonalna uprava za braniocce objavljuje

JAVNI POZIV
za podnošenje prijave za dodjelu sredstava
za sufinansiranje izgradnje i uređenja groblja/mezarja za 2024. godinu

I. Predmet Javnog poziva

Predmet Javnog poziva je dodjela sredstava za sufinansiranje izgradnje i uređenja groblja/mezarja na području Srednjobosanskog kantona, u kojima su sahranjeni poginuli branioци, sa pozicije “Tekući transferi neprofitnim organizacijama-za izgradnju i uređenje groblja” iz Budžeta Srednjobosanskog kantona za 2024. godinu (“Službene novine SBK“, broj: 1/24 - u daljnjem tekstu: Budžet SBK).

II. Pravo prijave na Javni poziv

Pravo prijave na Javni poziv ima udruženje/udruga branilaca koja je registrovana na kantonalnom nivou i koja u svom sastavu ima najmanje osam (8) registrovanih općinskih organizacija koje nose isti naziv kao i kantonalno udruženje/udruga koja je podnosilac prijave.

Pravo prijave na Javni poziv, pored udruženja/udruge branilaca iz stava (1) ove tačke, ima i udruženje/udruga koja je registrovana na općinskom nivou ako je članica udruženja/udruge branilaca koja je registrovana na kantonalnom nivou te u svom sastavu ima najmanje osam (8) općinskih organizacija.

III. Prijave koje se ne uzimaju u razmatranje

Neće se uzimati u razmatranje prijave podnosioca iz tačke II. Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku dodijeljenih sredstava.

IV. Dokumentacija koja se dostavlja uz prijavu na Javni poziv

Podnosilac prijave za dodjelu sredstava za sufinansiranje izgradnje i uređenja groblja/mezarja za 2024. godinu dostavlja sljedeću dokumentaciju:

- a) adekvatno popunjen, potpisan i ovjeren prijavni obrazac*, original,
- b) rješenje o registraciji udruženja, kopija,
- c) uvjerenje o poreznoj registraciji s identifikacijskim brojem udruženja, kopija,
- d) potvrdu banke o otvorenom (aktivnom) tekućem računu udruženja, ne stariju od šest (6) mjeseci, original,
- e) finansijski plan projekta izgradnje i uređenja groblja s očekivanim prihodima i rashodima, original (ovjeren pečatom i potpisom ovlaštenog lica udruženja),

- f) odluka udruženja o izgradnji i uređenju groblja/mezarja, original (ovjerena pečatom i potpisom ovlaštenog lica udruženja),
- g) posjedovni list parcele na kojoj se nalazi groblje/mezarje, kopija,
- h) katastarski plan parcele na kojoj se nalazi groblje/mezarje, kopija,
- i) idejni ili izvedbeni projekat, original ili ovjerena kopija,
- j) predračun radova, sačinjen od strane odabranog izvođača radova, original ili ovjerena kopija,
- k) minimalno pet različitih fotografija A4 formata, u boji, koje prikazuju lokaciju za izgradnju, odnosno izgled groblja/mezarja koje se uređuje,
- l) saglasnost vjerske ustanove ili pravne osobe koja je posjednik ili ima pravo upravljanja lokacijom predviđenom za izgradnju i uređenje groblja/mezarja, original,
- m) ugovor o građenju, odnosno uređenju groblja/mezarja, original,
- n) izjave općinskih udruženja branilaca da su udružene u kantonalno udruženje branilaca podnosioca prijave za dodjelu sredstava, potpisane i ovjerene od strane ovlaštenih odgovornih lica udruženja,
- o) izjavu kantonalnog udruženja branilaca da je općinsko udruženje branilaca koje podnosi prijavu za dodjelu sredstava udružena u kantonalno udruženje branilaca, potpisanu i ovjerenu od strane ovlaštenog i odgovornog lica udruženja,
- p) izjava ovlaštenog i odgovornog lica kantonalnog udruženja branilaca-podnosioca prijave, ovjerena od strane nadležnog općinskog organa*.

* Prijavni obrazac naveden pod a) i izjava navedena pod p) nalaze se u prilogu Javnog poziva i mogu se preuzeti na internet stranici Vlade SBK/KSB www.sbk-ksb.gov.ba ili u službenim prostorijama Kantonalne uprave za braniocce.

V. Kriteriji za dodjelu sredstava i iznos sredstava

Raspodjela novčanih sredstava iz tačke I. Javnog poziva vršit će se u skladu sa općim kriterijima.

Opći kriteriji za odobrenje sredstava za sufinansiranje programa/projekata za izgradnju i uređenje groblja/mezarja su:

- a) ukupna sredstva potrebna za realizaciju projekta izgradnje i uređenja groblja/mezarja,
- b) iznos sredstava udruženja namijenjena za realizaciju projekta,
- c) raspoloživa sredstva u Budžetu Kantona za 2024. godinu,
- d) značaj izgradnje i uređenja groblja/mezarja za društvenu zajednicu.

Sredstva za sufinansiranje izgradnje i uređenje groblja/mezarja mogu se odobriti u iznosu od 5.000,00 do 55.000,00 KM po jednoj podnesenoj Prijavi.

Sredstva će se dodjeljivati za jedan projekat po podnesenoj jednoj prijavi samo jedanput godišnje.

VI. Objava Javnog poziva, rok i adresa za dostavljanje prijava

Javni poziv za podnošenje prijava za dodjelu sredstava za sufinansiranje izgradnje i uređenja groblja/mezarja za 2024. godinu objavljuje se na internet stranici Vlade SBK/KSB www.sbk-ksb.gov.ba i traje od dana objave do 31.08.2024. godine.

Prijava na Javni poziv sa popunjenim, potpisanim i ovjerenim prijavnim obrascem i potrebnom dokumentacijom podnosi se Kantonalnoj upravi za branitelje/braniocce, putem pošte, u zatvorenoj kovrti, na adresu:

Kantonalna uprava za branitelje/braniocce

Stanična 43

Travnik

s naznakom:

„Javni poziv za podnošenje prijave za sufinansiranje izgradnje i uređenja groblja/mezarja u 2024. godini – NE OTVARATI”

Podnosilac prijave iz tačke II. ovog Javnog poziva tokom trajanja Javnog poziva može vršiti dopunu već podnesene prijave.

Prijave, kao i dopune prijave podnesene nakon isteka roka za dostavljanje prijava po Javnom pozivu, neće se uzimati u razmatranje.


VII. Kantonalna uprava nema obavezu vraćati predatu dokumentaciju podnosiocima prijava.

Broj: 11-11-1-2578/24

Travnik, 02.04.2024. godine

Kantonalna uprava za braniocce/branitelje

Direktor
CRNICA ESAD



PRIJAVA
za dodjelu sredstava za sufinansiranje izgradnje i uređenja
grobља za 2024. godinu

1. Podatci o podnositelju prijave za izgradnju i uređenje groblja

(puni naziv podnositelja prijave)

(adresa)

(ime i prezime odgovorne osobe, funkcija)

(ime i prezime kontakt osobe, funkcija, tel./mob., e-mail)

2. Podatci o projektu

Projekat (zaokružiti o kojem se projektu radi): 1. izgradnje groblja
2. uređenja groblja
3. izgradnje i uređenja groblja

Projekat se realizira u fazama (zaokružiti): 1. DA 2. NE

Ukoliko se projekat realizira u fazama navesti fazu: _____

Mjesto realizacije projekta: _____
(lokacija groblja, adresa, općina)

Kratak opis projekta (s ciljevima projekta i navedenim značajem za društvenu zajednicu):

Ukupna vrijednost projekta s PDV-om: _____ KM.

Planirano vrijeme realizacije projekta: od _____ godine do _____ godine

Očekivani iznos sredstava iz proračuna KSB po Programu za dodjelu sredstava za sufinansiranje izgradnje i uređenja groblja za 2024. godinu: _____ KM.

Iznos vlastitih sredstava namjenjenih za realizaciju projekta: _____ KM.

Iznos drugih sredstava namjenjenih za realizaciju projekta: _____ KM.

3. Dokumentacija koja se prilaže uz prijavu (zaokružiti dostavljeno):

- a) adekvatno popunjen i ovjeren prijavni obrazac, original,
- b) rješenje o registraciji udruge, kopija,
- c) uvjerenje o poreznoj registraciji s identifikacijskim brojem udruge, kopija,
- d) potvrda banke o otvorenom (aktivnom) bankovnom računu udruge, ne starija od šest (6) mjeseci, original,
- e) financijski plan projekta za 2024. godinu s očekivanim prihodima i rashodima, original (ovjeren pečatom i potpisom ovlaštene osobe udruge),
- f) odluka udruge o izgradnji i uređenju groblja, original (ovjerena pečatom i potpisom ovlaštene osobe udruge),
- g) posjedovni list parcele na kojoj se nalazi groblje, kopija,
- h) katastarski plan parcele na kojoj se nalazi groblje, kopija,
- i) idejni ili izvedbeni projekat, original ili ovjerena kopija,
- j) predračun radova, sačinjen od strane odabranog izvođača radova, original ili ovjerena kopija,
- k) minimalno pet različitih fotografija A4 formata, u boji, koje prikazuju lokaciju za izgradnju, odnosno izgled groblja koje se uređuje,
- l) suglasnost vjerske ustanove ili pravne osobe koja je posjednik ili ima pravo upravljanja lokacijom predviđenom za izgradnju i uređenje groblja, original,
- m) ugovor o građenju, original,
- n) izjave općinskih udruga branitelja da su članice kantonalne udruge branitelja podnositelja prijave za dodjelu sredstava, potpisane i ovjerene od strane ovlaštenih odgovornih osoba udruga,
- o) izjava kantonalne udruge branitelja da je općinska udruga branitelja koja podnosi prijavu za dodjelu sredstava članica kantonalne udruge branitelja, potpisana i ovjerena od strane ovlaštene odgovorne osobe udruge,
- p) izjava ovlaštene i odgovorne osobe udruge-podnositelja prijave, ovjerena od strane nadležnog općinskog tijela.

Napomena:

- Odluku o izgradnji i uređenju groblja pod f) donosi tijelo upravljanja općinske ili kantonalne udruge koja je podnijela prijavu na Javni poziv za dodjelu sredstava za sufinansiranje izgradnje i uređenja groblja.
- Dokumentacija navedena pod i) i j) ukoliko se dostavlja u ovjerenoj kopiji, ista treba biti ovjerena od strane nadležnog općinskog tijela.
- Izjave navedene pod n) i o) vrijede za kalendarsku 2024. godinu i ne mogu se opozvati.
- Izjava navedena pod o) dostavlja se kada je podnositelj prijave za dodjelu sredstava udruga iz članka 5. stavak (2) ovog Programa.

U _____, _____.2024. godine

MP

Potpis ovlaštene osobe-
-podnositelja prijave

NAZIV PODNOSITELJA PRIJAVE:

NAZIV PROJEKTA:

IZJAVA

Kao odgovorna osoba podnositelja prijave za dodjelu sredstava za sufinansiranje izgradnje i uređenja groblja za 2024. godinu, pod punom kaznenom i materijalnom odgovornošću, izjavljujem:

- da su svi podaci navedeni u Prijavi za dodjelu sredstava za sufinansiranje izgradnje i uređenja groblja za 2024. godinu istiniti i točni;
- da je dostavljeno uredno Izvješće o utrošku sredstava za odobrene projekte u prethodnoj godini;
- da će se dodijeljena proračunska sredstva isključivo koristiti za realizaciju navedenog projekta sukladno dostavljenoj dokumentaciji;
- da će se, u slučaju odustanka od realizacije navedenog projekta, izvršiti povrat odobrenih proračunskih sredstava;
- prihvatam da kontrolu namjenskog utroška sredstava izvrši povjerenstvo Kantonalne uprave za branitelje na temelju dostavljenog izvješća, a u slučaju potrebe i neposrednim uvidom u dokumenta u našim prostorijama.
- da će Izvješće o utrošku sredstava za realizaciju predmetnog projekta, u sadržaju kako je propisano, biti dostavljeno u predviđenim rokovima iz Programa i kriterija za dodjelu sredstava za sufinansiranje izgradnje i uređenja groblja za 2024. godinu.

U _____, _____. 2024. godine

MP.

Potpis ovlaštene osobe-
podnositelja prijave
